

tie presente, nè in altro si possano spender, sotto la pena di furanti.

† De parte	172
De non	4
Non sincere	0

42 Da poi disnar fo Gran Consejo, et venuta la Signoria, li do Censori si levono dil loco suo et andono dal Principe; i qual par volevano metter certa parte che li electi fosseno visti dal Consejo, e a questo el Doxe li disse è bon sia leta prima in Collegio. Poi loro dimandono licentia di far lezer tre parte prese nel Consejo di X, zerca li ordeni di Gran Consejo, di chi an terà più di una volta a capello e parlerà a li electionarii, anderà atorno al Consejo etc., le qual fo lette per Zuan Battista Ramusio secretario, che ha bona vox e leze ben.

Fu poi leto per Hironimo Alberto secretario le parte prese in Pregadi a notitia di tutti, zerca quelli è debitori a le Cazude, pagar un quarto di contadi e tre quarti di pro' e cavedal di Montenuovo. *Item*, la parte di francar le daie di padoana e trivisana e colte a raxon di 8 per 100; la copia di le qual parte è notade qui di sopra.

Fu posto, per i Consieri e Cai di XL, che per le importante occorentie che occoreno al presente, sia suspese le parte che vuol che li Savii di Collegio si cazano e per parentella e per procuratiou *ut in parte*. La copia di la qual sarà posta *etiam* qui avanti. Et fo mala parte e il Consejo haria voluto fusse stà contradita, perchè sarano fatti Savii dal Consejo di Zonta li tre Procuratori novi electi. Hor niun non parloe. Fu presa. Ave: 11 non sincere, 481 di no, 870 di sì, et fu presa.

Fu, poi andati a capello et l'elction dentro, leta una parte presa a di 22 Octubrio in Pregadi di far Bailo a Napoli di Romania per scurtinio, sicome fu preso del 1522, a di 6 Luio, che se allora importava, al presente importa molto più. La qual parte fu posta in Pregadi per 3 Consieri, sier Alvise di Prioli, sier Marco Dandolo dottor et cavalier e sier Lazaro Mocenigo soli, li altri 3 non sentivano tal oppiniou. Hora, per l'articolo fu messo in la parte di far 3 Procuratori, che lo la contradisi, li Consieri è ubligati meter a Consejo tutte le parte che è prese in Pregadi, da esser poste a Gran Consejo, sotto debito di sagramento. *Unde* li Consieri e Cai di XL messeno la ditta parte, la qual fu messa prima in Pregadi a requisition di sier Vettor Diedo e sier Hironimo da Canal, quali pretende venir per scurtinio et hanno fatto gran procure.

Et io Marin Sanudo vedendo metersi parte contraria a le leze et alla parte presa a di 29 Zugno 1514, che vuol tutti li rezimenti et officii si fazi per quattro man di eletion, excepto Consieri, Capitano zeneral, Proveditori in armada et Capitano al golfo, andai in renga et parlai ben. Mi rispose sier Hironimo Arimondo di sier Andrea, dicendo l'importantia di Napoli, et che li Censori electi provederà a le pregierie, etc. Hora andò la parte e fu presa, e fo' so danno del Gran Consejo, che se privono di la libertà e si volse sottometer a scurtinii, che tutti i luogi da mar si farà per scurtinio. Però non hanno voluto far retor e proveditor a Calaro, ozi che era stà strilato. Ave: 10 non sincere, 412 di no, 986 di sì e fu presa.

Fu fatto hozi eletion di uno al luogo di Procurator, sier Nicolò Michiel el dottor fo avogador di comun. *Item*, do Soracomiti, sier Vettor Michiel fo soracomito de sier Vettor, et sier Alexandro Donado qu. sier Polo, qu. sier Francesco da Muran. *Item*, castellana Famagosta, in luogo di sier Zuan Arimondo, a chi Dio perdoni, sier Bernardo Querini, fo a la doana di mar, qu. sier Hironimo; et altre vox.

Da poi Consejo, il Serenissimo con li Consieri si reduseno in Collegio e con tutti li Savii alditeno sier Piero Zen venuto orator dil Signor turco, qual disse di successi de Dalmatia et colouin abuti a Nuptiach, loco fo dil conte Xarco sopra il fiume Celua, con il bassà di Bossina; et altre occorentie.

Di Crema, fo lettere di sier Zuan Moro podestà et capitano, di 22, hore 16. Come il capitano Arcon doveva intrar in Milan con 300 lanze et 3000 fanti. *Item*, el signor duca de Milan, qual è a Pizegaton, si partiva per venir a Pavia; et altre particolarità.

Di Udene, di sier Andrea Foscolo luogotenente. Avisa come turchi di sora l'Histria e a li confini haveano fatto gran lissime prede di anime et animali et brusar, et haveano preso et amazato uno fradello del conte Cristoforo Frangipani, chiamato il conte, che li vene contra con 400 cavalli, i qual fo roti e morti.

Di Bergamo, fo lettere di 22. Come il duca di Barbon, con l'exercito stato a Marseja, era intrato in Pavia.

Sumario di lettere di rectori di Brexa. 43

Lettera di 21 Octubrio 1524, hore 15. Abbiamo che francesi hanno mandato 3 bandiere di